

**ՏԵԽՆԻԿԱԿԱԿԱՆ ՄԻՋՈՑՆԵՐԻՑ ՕԳՏՎԵԼՈՒ ԵՎ ԷԼԵԿՏՐՈՆԱՅԻՆ
ՀԱՂՈՐԴԱԿՑՈՒԹՅԱՆ ԻՐԱԿԱՆԱՑՄԱՆ ԿԱՐԳ**

I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության փաստաբանների պալատի (**այսուհետև՝ ՀՀ փաստաբանների պալատ**) համակարգիչներից օգտվելու և էլեկտրոնային հաղորդակցության սույն կարգը (**այսուհետև՝ Կարգ**) սահմանում է ՀՀ փաստաբանների պալատի սեփականությունը հանդիսացող համակարգիչներից օգտվելու իրավունքները, սահմանափակումները, պարտականությունները, արգելքները, գաղտնիությանը և պատասխանատվությանը վերաբերող ընթացակարգերը:
2. Կարգը պարտադիր է բոլոր օգտատերերի համար:
3. Համակարգչի, էլեկտրոնային փոստի և այլ էլեկտրոնային միջոցների տրամադրման նպատակն է ՀՀ փաստաբանների պալատում աշխատանքի արդյունավետ կազմակերպումը:
4. ՀՀ փաստաբանների պալատը իր աշխատակիցների հետ փաստաթղթաշրջանառությունը կարող է իրականացնել՝
 - 1) ՀՀ փաստաբանների պալատի կայքէջում նյութերի (փաստաթղթերի) տեղադրման միջոցով, ընդ որում՝ սույն եղանակով ծանուցումը համարվում է պատշաճ փաստաթղթի (նյութի) ներբեռնման հնարավորության ստեղծման պահից,
 - 2) աշխատակցի էլեկտրոնային փոստին կամ հատուկ համակարգի միջոցով նյութն ուղարկելու եղանակով, ընդ որում՝ սույն եղանակով ծանուցումը համարվում է պատշաճ նյութի՝ ուղարկման պահից,
 - 3) աշխատակցին նյութն առձեռն հանձնելու եղանակով, ընդ որում՝ սույն եղանակով ծանուցումը համարվում է պատշաճ նյութի՝ հանձնման պահից:
5. Կարգում տեղ գտած ներքոհիշյալ հասկացություններն ունեն հետևյալ իմաստը (նշանակությունը).
 - 1) **օգտատերեր՝** ՀՀ փաստաբանների պալատի աշխատակազմի անդամներ, վերապատրաստում անցնող փաստաբաններ, դասախոսներ, ՀՀ փաստաբանների

պալատի համակարգիչներից օգտվող այլ անձինք,

- 2) **աշխատակից՝** ՀՀ փաստաբանների պալատի հետ աշխատանքային հարաբերությունների մեջ գտնվող ֆիզիկական անձ,
- 3) **ադմինիստրատոր (վարչավար)՝** տեղեկատվական տեխնոլոգիաների մասնագետ: Մինչև համապատասխան աշխատակցի ներգրավումը՝ վարչատնտեսական դեպարտամենտի ղեկավար,
- 4) **էլեկտրոնային փոստ՝** ՀՀ փաստաբանների պալատի կողմից տրամադրված էլեկտրոնային փոստ:

II. ՀՀ ՓԱՍՏԱԲԱՆՆԵՐԻ ՊԱԼԱՏԻ ԵՎ ՕԳՏԱՏԵՐԵՐԻ ԻՐԱՎՈՒՆՔՆԵՐԸ ԵՎ ՍԱՀՄԱՆԱՓԱԿՈՒՄՆԵՐԸ

6. Օգտատերերին հասանելի են ՀՀ փաստաբանների պալատի տարբեր տեխնիկական միջոցները, որոնք անհրաժեշտ են վերջիններիս աշխատանքային և (կամ) այլ գործառույթների, պարտականությունների կատարման համար: Տեխնիկական միջոցներն ըստ անհրաժեշտության աշխատակիցներին տրամադրում է ՀՀ փաստաբանների պալատի վարչատնտեսական դեպարտամենտը:
7. ՀՀ փաստաբանների պալատը չի խրախուսում, որ օգտատերերը պահպանեն աշխատանքի հետ չառնչվող տեղեկատվություն ՀՀ փաստաբանների պալատին պատկանող տեխնիկական միջոցներում և չի երաշխավորում դրանց գաղտնիությունը և պահպանությունը:
8. ՀՀ փաստաբանների պալատը, ելնելով անվտանգության և այլ նկատառումներից, կարող է գրանցել և պահպանել բոլոր էլեկտրոնային գործողությունները, այդ թվում՝
 - 1) բոլոր հեռախոսազանգերի ելքային և մուտքային ժամանակահատվածի տևողությունը,
 - 2) ՀՀ փաստաբանների պալատի կողմից տրամադրված էլեկտրոնային փոստը, բացառությամբ ՀՀ փաստաբանների պալատի աշխատակից չհանդիսացող փաստաբանների, որոնց էլեկտրոնային փոստի տեղեկությունները գաղտնի են,
 - 3) բոլոր ֆաքսիմիլային փոխանցումների ուղարկած և ստացած օրինակները,
 - 4) յուրաքանչյուր էլեկտրոնային փաստաթուղթ,
 - 5) այցելած ինտերնետային (համացանցային) կայքէջերը:
9. ՀՀ փաստաբանների պալատը չի երաշխավորում էլեկտրոնային փոստի հաղորդագրությունների անվտանգությունը, բայց իրենից կախված բոլոր միջոցները ձեռնարկելու է անվտանգությունն ապահովելու համար:

III. ՊԱՐՏԱԿԱՆՈՒԹՅՈՒՆՆԵՐ ԵՎ ԱՐԳԵԼՔՆԵՐ

10. Օգտատերերը համացանցի ծառայություններից պետք է օգտվեն միայն գործնական նպատակով:
11. Օգտատերերը պարտավոր են տեխնիկական միջոցները պահել մաքուր վիճակում, միջոցներ ձեռնարկել դրանց վրա հեղուկ, պինդ ֆիզիկական վիճակի նյութեր լցնելուց կամ որևէ կերպ փչացնելուց, կեղտոտելուց, օգտագործման համար ոչ պիտանի դարձնելուց:
12. Ցանկացած խնդրի ի հայտ գալու կամ տեղեկատվական տեխնոլոգիայի, տեխնիկական միջոցի ցանկացած խափանման դեպքում օգտատերը պարտավոր է անմիջապես իրազեկել ադմինիստրատորին:
13. Խիստ գաղտնի տեղեկատվությունը չպետք է ուղարկել էլեկտրոնային փոստի միջոցով:
14. Օգտատերերը չպետք է ներբեռնեն այնպիսի կայքէջեր, ինչպես նաև պատճենահանեն, փոխանցեն, ստանան կամ պահպանեն այնպիսի հաղորդագրություններ, որոնք պարունակում են տեղեկատվություն, ինչպիսին են՝
 - 1) ահաբեկչության քարոզում (որոնք ցուցադրում են ահաբեկչական նյութերի, սարքավորումների պատրաստում),
 - 2) թմրամիջոցների, հոգեներգործուն նյութերի պատրաստում կամ օգտագործում,
 - 3) անօրինական, պոռնոգրաֆիական, զրպարտչական, վիրավորական, նվաստացուցիչ կամ այլ նմանատիպ տեղեկատվություն,
 - 4) ՀՀ փաստաբանների պալատի կանոնադրական նպատակներին հակասող տեղեկատվություն:
15. Բացառությամբ տեղեկատվական և տեխնիկական անվտանգության, ինչպես նաև սարքինության ապահովման դեպքերի, որոնք կարող են իրականացվել ՀՀ փաստաբանների պալատի կողմից, արգելվում է զբաղվել կամ փորձել զբաղվել՝
 - 1) այլ օգտատերերի կամ երրորդ անձանց էլեկտրոնային հաղորդակցության վերահսկմամբ,
 - 2) համակարգի կամ հաղորդակցման դաշտ մուտք գործելով,
 - 3) այլ օգտատերերի ծածկագրերի օգտագործմամբ համակարգ մուտք գործելով,
 - 4) համակարգչի կամ ցանցի անվտանգության միջոցների փորձարկմամբ և (կամ) վերահսկմամբ:
16. Պալատի տեխնիկական միջոցներից օգտվելիս, ինչպես նաև աշխատանքի վայրում արգելվում են վիրավորական, ռասայական, սեռական, կրոնական անարգանք պարունակող, բացահայտ սեռական բնույթի հաղորդագրությունները:

17. Արգելվում է այնպիսի գործողությունների կատարումը կամ անգործության դրսևորումը, որը կհանգեցնի ցանցի գործառության խանգարման:

IV. ԳԱՂՏՆԻՈՒԹՅՈՒՆ

18. Օգտատերերը պետք է հարգեն այլ անձանց էլեկտրոնային հաղորդակցությունների գաղտնիությունը:

19. Օգտատերերը պարտավոր են պահպանել ծածկագրերի գաղտնիությունը:

V. ՊԱՏԱՍԽԱՆԱՏՎՈՒԹՅՈՒՆ

20. ՀՀ փաստաբանների պալատը պատասխանատվություն չի կրում՝

1) կորած, վնասված, փչացած, փոփոխության ենթարկված, հայտնաբերված կամ չարաշահված որևէ անհատական տեղեկատվության համար, որը փոխանցվել կամ պահպանվել է ՀՀ փաստաբանների պալատին պատկանող տեխնիկական միջոցներով,

2) կորած կամ հասցեատիրոջը չհասած էլեկտրոնային փոստի, ծայնային փոստի կամ որևէ անհատական տեղեկատվության պահպանման համար:

21. Ցանկացած հաղորդագրության կամ տեղեկատվության համար, որը ստեղծվում և (կամ) պահպանվում է ՀՀ փաստաբանների պալատին պատկանող տեխնիկական միջոցներով ՀՀ փաստաբանների պալատը պատասխանատվություն չի կրում:

22. Ցանկացած օգտատեր, ով չարաշահում է իր իրավունքները, այն է՝ ապօրինի մուտք է գործում էլեկտրոնային փոստ կամ համացանց, դիտավորյալ խախտում է սարքավորումների, ցանցային անվտագության և ծրագրերից օգտվելու կանոնները, ենթակա է պատասխանատվության:

VI. ԵԶՐԱՓՈՒԿ ԴՐՈՒՅԹՆԵՐ

23. Կարգն ուժի մեջ է մտնում 2015 թվականի հուլիսի 20-ից և գործում է անժամկետ:

24. Կարգում փոփոխություններ և (կամ) լրացումներ կարող են կատարվել միայն ՀՀ փաստաբանների պալատի նախագահի կողմից:

25. Կարգի պահպանման նկատմամբ հսկողությունն իրականացնում է ՀՀ փաստաբանների պալատի աշխատակազմի ղեկավարը: